

Neutralno ansurimos mashkar mursh murshesa haj zuvli zuvliasa haj ansurimos

FAKTAKO LIL

Justitiedepartementet

Ju 09.01roke · Oktober 2010

Katar 1 majo 2009 si neve zakonuria pa ansurimos. Jeke manushesko murshmos vaj zuvljmos naj musaj te ginadziol pe te birin kadal manush te ansurin pe. Äktenskapsbalken – e ansurimaske zakonuria haj kaver zakonuria pa neutralne ansurimata mashkar mursh murshesa haj zuvli zuvliasa haj parujimos ande zakonuria (1994:1117) pandazile tele. Kate birin te ginaven skurto pa e neve zakonuria.

Parujimos ando äktenskapsbalken

Duj manush anda sakodo fialo (mursh-murshesa, zuvli-zuvliasa) birin te ansurin pe sa kade sar mursh ketanes zuvliasa. E zakonuria ande äktenskapsbalken ginadziol pe sa kade vaj avla mursh – zuvli vaj mursh – murshesa.

Hindersprövning – Ansurimaski proba

Angla jek parujimos dikhel pe anglunes vaj si variso so kerel te na birin e duj manush te ansurin pe. Kadia proba kerel e Skatteverket. E duj manush so si te ansurin pe musaj te mangel kado hindersprövning selduj manush katar e Skatteverket.

Jek hindersprövning so si te avel manglo angla 1 majo 2009 djala pala kodi vrama so si o hindersprövning po parujimos.

Te kerel pe jek registracia po partnerskap chi djala ke hasajlas kadia numa e vorba si inke ande hirtia

O zakono pa Partnerskap pelas avri anda zakonuria ando april 2009. Kadia penel ke chi djala maj but te kerel pe jek registracia pe partnerskap. Te si aba jek purano partnerskap djala kadia maj dur pe vrama kana mukhen pe e manush vaj te ansurin pe kadal manush (dikh maj tele sar te kerel pe kana si jek registracia po partnerskap haj sar te kerel pe te avel jek parujimos).

Parujimos pa jek registrovano partnerskap po jek parujimos

Jek partnerskap so si registrovano pa o zakono pa partnerskap si te inkerdjol pe sar jek parujimos te dena von kadia opre kaj e Skatteverket haj te kamen

von kadia parujimos. O Partnerskap ginadziol pe sar jek parujimos katar kodo djes so e hirtia avilas kaj e Skatteverket. E duj manush dashtin te mangel te avel len maj feder jek chacho ansurimos sar kaj te avel feri jek registracia pa ansurimos pala o 4 paragrafo ando äktenskapsbalken. Chi kerel pe jek hindersprövning po jek parujimos pala kadia zakono. Partnerskapet ginadziol pe jek parujimos katar e vrama pa parujimos.

Pe kadia parujimos naj chi soski vrama dini.

Parujimos

O ansurimos si te avel borgerlig – dino katar jek o them oficialno vaj katar jek trossamfund – jek religiako than so birij te del o parujimos.

Borgerlig vigsel – jek parujimos katar o them civilno ansurimos

Borgerlig parujimos lel pek hatar jek manush so si shutino kote katar o Länsstyrelsen. Kadia buci si kodole manushes jek perioda, te naj jek perioda si kodole manushes vrama jek djes. Te penla e Länsstyrelsen ke chi kamen von te den manushes jekes anda Länsstyrelsen chi birij o manush te del kadia pe apellacia.

Jek dommare anda krisi ando tingsrätt chi birin akanak te den jek borgerlig parujimos.

Kana si jek borgerlig parujimos si o manush so del o ansurimos te pushel kadal vorbi kaj e para:

Tume pendan ke kamen te ansurin tumen. Kames tu N.N te les kadales/kadala N.N te avel chiro mursh/zuvli?
(Atveto: Jo.)

Kames tu N.N te les kadales/kadala te avel chiro rom/romni?

(Atveto: Jo.)

Akanak san tume prinzarde sar ansurime.

Te si kade ke e para kamel kaver vorbi haj mangel kodo avna kadal vorbi lendar pushle atunci:

Tume kamen te ansurin tume. O parujimos si vazdo po kammos haj ando pacape. Kana tume len tume ten tumen atunci vorba ke den jek kaveres paciv haj kamippe. Sar jek pangli para san tume duj manush so dena zor

jek kaveres. Haj ke tume pendan ke kamen te ansurin tumen pushav me tumendar akanak: Kames tu N.N te les kadala/kadales N.N te avel chiri romni/rom haj ke kamesa chire romes/romnia ando kammos haj ando pharmos?

(Atveto: Jo.)

Kames tu N.N kadala/kadales N.N te avel chiro romni/rom haj ke kamesa la/les ande kammos haj ando pharmos?

(Atveto: Jo.)

(E para paravel angrusta.)

Akanak san tume prinzarde sar ansurime. Kana tume dzan avri ande tumaro trajo te na bistren kadia so si tumen akanak haj so andas tumen kate, o kammos so tume acharen akanak haj so andas tumen kate. (Texto skirisardo katar o Per Anders Fogelström.)

Mukhen man te bahtchiarav tumaro ansurmos ande bah t haj sastmos.

Parujimos katar jek trossamfund – jek religiozno than

Parujimos dashtis feri te avel dino katar jek trossamfund –jek religiozno khedmos so dashtis te del o ansurmos, vaj katar jek rashaj vaj kaver manush so las kadia dashtisares katar o Kammarkollegiet haj birij pala kodo te avel jek so dashtis te del o ansurmos. Katar i majo si jek zakono ke vi e rashaja katar e Shvdicko khangeri musaj te mangan jek slobodia te den parujimos katar o Kammarkollegiet. Jek rashaj anda Shvedicko khangeri so birijas te del ansurmos pala zakono ando april 2009 inkrel maj dur e slobodia te del parujimos kaj o agorimos ando april 2010. Vi kaver manush so keren pe rashaja birin tela jek bersh te den ansurimata kaj o agor po april 2010.

Jek parujimos kerelpe pala e zakonuria so o religiozno khidmos inkrel.

Naj chi soski obligacia te del pe jek parujimos katar jek trossamfund vaj katar jek so si les kodi slobodia te ansurij varikhas. Dashtilpe te avel kade ke jek para mangel parujimos ande jek than so o trossamfund chi birij te avel pe kodo than. Shaj vi te avel kade ke chi den parujimos ke jekes anda e para naj sa kodo pacape vaj ke sas varikhas jek romni vaj rom maj anglal.

Maj but informatcia

Ginaven maj but kaj e neve reguli ande e regeriungoski propozici. Ansurimaske pushimata po Äktenskapsfrågor 2008/09:80 po internet: www.regeringen.se haj ande Civilutskottets betänkande – o ghindmos kaj e civilutskottet 2008/09:CU19 po patrin po internet: www.riksdagen.se

Ginav maj but pa ansurimata po regeringosko than po internet www.regeringen.se/aktenskap.

Ginav maj but pa civilne ansurimata katar borgerliga manush pa länsstyrelsen po: www.lansstyrelsen.se.

Ginav maj but pa hindersprövning, sar te paravel pe jek partnerskap haj jek parujimos ande kaver them. Po internet kaj Skatteverket: www.skatteverket.se

Maj but informatcia sar te ansurin tumen ande jek trossamfund – religiozno khedmos dikhen po www.svenskakyrkan.se



REGERINGSKANSLIET

Justitiedepartementet

10333 Stockholm • tfn växel 08-405 10 00

Maj but exemplura pa kadia fakta hirtija shaj te mangan katar Justitiedepartementet, tfn 08-405 10 00 vaj e-mail: info.order@justice.ministry.se
Regeringosko webbthan: www.regeringen.se
Justitiedepartementets e-lildress: registrator@justice.ministry.se

Lashardi katar Grafisk Service, oktober 2010.

O fakta hirtija si lashardi katar Justitiedepartementet. Artikelnr. Ju 09.01